

RADIX repens, filiformis, ramosa, ramulis capillaribus, bulbos subrotundos aut ovatos, inæquales, sæpe nucem avellanam adæquantes emittens. Folia glabra, ovato-lanceolata, acuta, petiolata, margine denticulata. Caulis repens. Scapus tenuis, simplex, squamulis raris, acutis conspersus, inferne glaber, superne hirtus, uniflorus. Calyx 15 millimetr. longus, cylindricus, calyculatus, basi hirsutus; foliolis exterioribus ovato-oblongis, subacutis, adpressis; interioribus glabris, linearibus, æqualibus, obtusiusculis. Ligulæ calyce duplo fere longiores, lineares, luteæ, apice denticulatæ. Stamina 5. Antheræ in tubum coalitæ. Stylus 1. Stigmata 2, revoluta. Semen exiguum, glabrum, oblongum, fuscum. Pappus niveus, villosus, simplex, sessilis. Receptaculum angustum, nudum.

HABITAT prope La Calle. ☞

LEONTODON TUBEROSUM.

LEONTODON foliis runcinatis, scabris; calyce hirto. *Lin. Spec.* 1123.
Taraxacoides Chondrillæ folio hirsuto, Asphodeli radice. *Vail. Acad.* 1721.
p. 179.

Dens-Leonis Asphodeli bulbis. *C. B. Pin.* 126. — *T. Inst.* 468.
Chondrilla altera Dioscoridis Monspeliensium etc. *Lob. Ic.* 232.
Dens-Leonis Monspeliensium. *Dod. Pempt.* 636.

RADICES plures aggregatæ, tuberosæ, fusiformes, in radiculam sæpe longissimam abeuntes. Folia hispida pilis brevibus, petiolata, 15—25 millimetr. lata, 1—3 centimetr. longa, runcinata; lobis inæqualibus, obtusis, dentatis, integrisve; extimo longe majore. Scapus simplex, striatus, nudus, uniflorus, hispidus, erectus, 1—3 decimetr. Calyx cylindricus, simplex aut vix imbricatus, hirsutissimus. Folia linearia, acuta, subæqualia. Flos magnitudine L. hispidi Lin. Ligulæ intus flavæ, extus purpurascens. Pappus plumosus, stipitatus. Receptaculum nudum. Ludunt folia; pleraque plus minusve profunde runcinata; quædam lanceolata et margine dentata.

HABITAT in arvis. ☞

LEONTODON CORONOPIFOLIUM. Tab. 214.

LEONTODON foliis inæqualiter pinnatifido-dentatis; scapo unifloro, foliis brevioribus; pilis furcatis.

PLANTA tota hirsuta pilis apice ramosis. Folia jacentia, in rosulam disposita, 1—2 decimetr. longa, 6—11 millimetr. lata, in petiolum decurrentia, inæqualiter pinnato-dentata; dentibus obtusiusculis. Caulis nullus. Scapi ex eodem cæspite sæpe plures, hispidi, superne sensim crassiores, 3—8 centimetr., simplices, uniflori. Calyx cylindricus, imbricatus, pilosus; squamis linearibus; exterioribus laxiusculis. Diameter floris 12 millimetr. longa. Ligulæ lineares, obtusæ, apice denticulatæ, flavæ, calyce duplo longiores. Stamina 5. Antheræ connatæ. Stylus 1. Stigmata 2, reflexa. Semen parvum, oblongum. Pappus sessilis, plumosus, albus. Receptaculum nudum.

HABITAT in arenis deserti prope Cafsam.

C R E P I S.

CALYX calyculatus. Pappus sessilis aut stipitatus, simplex aut plumosus.

N^a. GENUS male stabilitum iterum recognoscant botanici.

C R E P I S V I R G A T A.

CREPIS glabra; caule superne nudo; pedunculis subumbellatis, superne squamulosis; lateralibus centrali longioribus; foliis dentatis; inferioribus lato-lanceolatis; pappo sessili, simplicissimo. *Desf. Act. Soc. Nat. Par.* 37. t. 8.

PLANTA glabra. Caulis erectus, superne nudus, 3—6 decimetr., striatus. Rami pauci, erecti. Pedunculi inæquales, squamulis subulatis conspersi, uniflori; centrali lateralibus brevioribus. Folia lanceolata, 5—8 centimetr. longa, 13—24 millimetr. lata, inæqualiter dentata, dentibus sæpe elongatis; superiora pauca, lineari-lanceolata. Calyx calyculatus; foliolis exterioribus tenuissimis, laxiusculis; interioribus subulatis, farinosis aut glabris. Corolla 12—22 millimetr. lata. Semiflosculi apice dentati, superne flavi, subtus purpurascens, calyce longiores. Semen fuscum. Pappus sessilis, albus, villosus, simplex. Receptaculum nudum.

HABITAT in arenis et ad limites agrorum.

LEONTODON coronopifolium.

pag. 229
214.

